

ALL NATIONS GOSPEL PUBLISHERS



www.angp-hb.co.za



info@angp.co.za

MOYO WA MUNTU

Vikilo ja Mulungu ao nyumba ya kughoshwela ndima za Satani. 1 Johana 3:4-10.

Kwa watakufyoma :-

Kitabu ichi soo kihya. Hambu boshi chilawile mwe shi ya Ufalasa, lushe kuzazinka mavuli magana maili. Chizaletela wantu wakulija mangi langaila, hata mng'azo wa mesho mkulu. Chizaghalushighwa viya ni kilolo cha moyo, waghoshi na wavyele ndimo wadahe kukiolela umo ndai mwe moyo, sa Mulungu avyouona. Wantu wangi wazaona myoyo yawe ivyona uhuza, kwa ivyona uhuza, wazavoteka, wazatenda myoyo mihya na mpeho mpya mumu umu.

Ukifyoma ichi kitabu, nakuhembeleza ufukile kuti: Ne icho kiloo cha moyo umodahila kufyoma na kukiona. Ati iwe u muntu ashiyetozesha, ao du Mkilisito mweuya na nyuma, neukione shula yako ng'wenye sa Mulungu avyoiona. Kwa Mulungu nkakuna ng'wana na zana. Aolela, mwe woyo wa muntu du, soo cheni ao langi ya babu ja ng'wili.

Satani nee ishe ja walongo woshe, kangi nee mkulu ywa lwiza, kangi ni mulungu ywa inu shi. A adahakihitula afanane sa mlau ywa langaila. Miya lushe uyo soo mlau, sa wantu wangi wavyokundisha kumfananisha. Awo waihilwa ni shula yemuonyesha Satani alivyo chasale. Sa ndivyo ilivyo mishi ya kale, vivyoho ivyo kuna ntung'wa nyingi za ulongo, zeghoshola ndima na uhambanyi wa akighalusha viya ni ntung'wa za Kilisito.

Soo kumaka kuti: Satani ng'wenye a kihitula afanane sa mlau ywa langaila. 2 Wakolinto 11:13,14. Satani azawatuntusha wantu mesho na ntongonyezi, kangwe washeone lukundisho lwa Mulungu, ao du utana wa Uzu-

mbe wakwe, du nkawadaha kumuona Mkombozi ywawe Yesu Kilisito. 2 Wakolinto 4:4. Wantu watuntushwe-wo mesho ni mulungu ywa inu shi, nkawadaha kuona kuti; wa ahita ntutu kangi na nguyu mwe sila ya kuagha na mwe moto wa kale na kale weaka na kibiliti. Wazaghaluka sa vimba kwa Mulungu, mpeho za mulungu ywa inu shi nee zetoza ufung'wa kwawe. Waefeso 2,2.

Kwa ivyoho nee vyeleka Ng'wanangwa ywa Mulungu akilavilizighwa, kangwe abane ndima za Satani. 1 Yohana 3: Lushe mwitiku Mulungu. Mumwikile Satani nkani! Nee ndivyo aminyilike. Mtimilei Mulungu! Nee ndivyo amitimile. Yakobo 4:7,8.

Ukifyoma ichi kitabu na kuolelesha vyapa vyakwe, wa adahaona moyo wako. Uzughule moyo wako ubunkulwe, kangwe uone ulivyo. Ukiona kuti moyo wako ni mbada kangi una uhuza, ushelemele iyo mbuli, ao du kuifisha, kushima du ulavilize uhuza wako. Tikighamba kuti nkatina uhuza, tikiaghalanya wenye hata kweli nkaimo mwetu, tikilaviliza uhuza wetu Mulungu ni mkweli na mtanda, atatiushiliza uhuza, atating'aza vyoshe vishivyoagiza. Tikighamba nkatibanile ta amunka ulongo kangi mbuli yakwe nkaimo mwetu. Yohana 1:8-10. Kwa ivyoho uinamilei mukono wa Mulungu wena nguvu, kangwe amiushilize uhuza wenyu na kuming'aza na mpo-me yena kima ya Yesu Kilisito.

Mwetoza ufung'wa kwako ni Mulungu hambu ni Satani? U mtung'wa ywa uhuza hambu mtung'wa ywa Mulungu? Ati uhuza nee wetoza ufung'wa mwe ng'wili wako, ushezakela nkani iyo mbuli.

Umkemele Mulungu akughalushe ng'wanavyale kwa mbuli ya Yesu Kilisito aizileye mwe inu shi awavunile wahuza, matuntu awaghubuile mesho, atilavye ishwi mwe lwiza, lwiza luuke kwetu. Aizile atiighale na mwe langaila jakwe jemasha. Yesu azaiza atighalushe wanavyale tilawe mwe nguvu za uhuza na za Satani. Mwe uyu Yesu tina ukombozi tilawe mwe uhuza wetu. Ugholoke he cheni cha Mulungu Mng'azi mweona na kutaila njama zako zoshe na mighoshweele ifishighweyo kangi na kila ntongonyezi. Nkudaha kukifisha, hata mighoshwele yako kuuka he cheni cha Mulungu. Yuja aikileye shikilo hantu hakwe asheive? Aghosholeye zisho asheone?

Zumo 94:21-22. Kwa kuti mesho ya Zumbe ya atambula mwe ngulu ngima, kangwe aonyeshe kuti nee ng'wenye nguvu ya awo wakooolezi wa myoyo wehituka na kwakwe. 2 Mbuli za mishi 16:9. Yohana 2:24.

Mwe nyemi ni muntu Zumbe ashimtazileye masa, ashinaye ulongo mwe moyo wakwe. Zumo 32:1-5 (fyoma hata Zumo ja 51). Mpaka unu mushi wa lelo Yesu akeitanga kuti: Izai kwangu, nyosheni mwezwamilwa na kupikapika, imi nitamishangalaza. Mateyo 11,28-30.

CHAPA CHA BOSI


Chapa ichi chionyesha muntu mhuza ashiyetozesha, ywa kighoshi ao ywa kivyele ywa inu shi, mweikala mwe ufung'wa wa mpeho za inu shi, na tamaa zena nguvu mwe ng'wili. Chapa ichi ni kilolo cha kweli cha moyo wakwe sa Mulungu ng'wenye avyomuona. Mesho yakwe yelungulika yaonyesha utengezi wakwe. Fyoma mwe kitabu cha Shimo 23:29-32. Mwetowa lukolo ni ndai? Ni ndai mwena mesho yelungulika? Ni waja wenyamala kwe mpombe, wehita kwalonda mpombe ivanganyighweyo. Usheolele mpombe hata itelungulika, yeonyesha kulungulika kwakwe ikiikila mwe bilauli mpalahole. Kushilikiza iluma sa nyoka, yaaoka sa nyoka yena ushingu. Mesho yawe yakiolela shi viya ni ntuhu, moyo ulavya vyehotoka.

Shi ya mutwi wa adahaona moyo wa muntu kuti ni uikazi wa mazama ya kila mbali yeonyesha uhuza ungi wa kila mbali mwe moyo wa muntu. Moyo ni uikazi wa uhuza wetu. Mulungu aghamba: Moyo wa muntu waa-hufya kuzinka vintu vyoshe, una utamu wekoma, mwe-daha utaila ni ndai? Yeremia 17:9. Yesu ng'wenye aghamba: Mwe myoyo ya wantu mulawa ntongonyezi mbada; kilanga, ubavi, utesi, kukoma, mumelo, ubada, leba, lukanko, utili, uhambanyi. Ivi vibada vyoshe vilawa uko ndai, yyaamgela muntu kisitama. Marko 7:21-23.

TAUSI

Kiumbo cha bosi ni Tausi. Ni deghe tana kabisa jena mayoya yena langi zemasha, lushe aha hafanana na uhuza wa mahiku. Mbalakele, Makelubi aambwileye mavuta, ndiye akiinula langaila kwa Mulungu, kangi Mlau ywa Mulungu, azakina kwa mbuli ya mahiku, azaghaluka mnkulu ywa Mulungu, ni Satani. Yes. 14:9-17.

Hezekiel 28 :12-17. Aho kivoko Satani nee aishi mlau ywa lwiza.



CHAPA CHA BOSI

Mahiku yakionyesha mwe sila nyingi. Wantu watumu wahikuka kwa mbuli ya uzuli, wa mali zawe zang'ombe, na ngoto nyumba, na mighunda, hata kwa mbuli

ya vizwiko vyena yombe kulu, hata kwa mbuli ya shula ntana, na ng'wili wekionyesha vye shoni. Wantu waa-nunka kwa mbuli ya mahiku ya mbali zawe, na ukulu na utaalizi, na nguvu za ng'wili na ndima zawe za inu shi, langi ya mili hata kwa vintu vingi vishitamavyo. Watuhu waakunda kukighoshola waghuluke watana waki-zwika bangili, vidanga vya mashikilo, kukishenga shale mwe cheni ao mwe ng'wili na kukishenga, kangi Mulungu akiwaumba atebinda pele. Mulungu aawaikila wati nkani, miya wadodo aawafa mbazi. 1 Petelo 5:5. Mulungu aaihilwa ni utili na mahiku. Shimo 8:13. Utili ulongweela mbaniko, kangi mpeho zekikweza zilongweela kukina. Shimo 16:18.

FULATA

Fulata ionyesha luzisho lungi kwa ng'wili, na ubada, na utesi, na kilanga. Kila ihohita fulata ikigela usaba. Wantu wangi nee walivyo. Kila wahohita naho wantu waandiila kuwahuna na mbuli za kuwatamila, soo mvyele, soo mghoshi, woshe waafanana. Mishi inu ya shilikiza, utesi na kilanga vyaaisiiza kughenela. Wabwanga watuhu ao wandle nkawadaha kukilemeza wagoonana. Wanyumba wohe ni vivyoho. Hata wafiilwewo wohe wai-kala na kilanga du. Uhuza wa Sodoma wohe uzatoza uzumbe mwe wantu makulija na makulija. Aha haabontoka mbuli za uteghanyi wa Yesu akilonga kuti: Mishi ya shilikiza neighaluke sa mishi ya Sodoma na Gomola. Washambala na mbali ntuhu waitanga muntu mkilanga, "Fulata." Wantu sa awo nkawadaha kupala uzumbe wa Mulungu, kwa kuti uko se kuna mavulata, na washai, na watesi, na wakoma wantu, na wavika mizimu, na kila muntu mwetamilwa ni kulonga ulongo. Mfumbulo 22:15. Kwa ivyoho nyilikai kilanga. Uhuza ungi weghosholwa ni wana wantu ni wa se ya mili yawe, miya mwetenda kilanga aghoshola mwe ng'wili wakwe ng'wenye. Nkamtaila kuti mili yenyu ni vikilo ng'azi ja Mulungu? Ati muntu abana Vikilongwa ja Mulungu, unu ng'wili wakwe, Mulungu yohe neambane uyo muntu, kwa kuti vikilongwa ja Mulungu ni ng'azi, kangi nee inywi. 1 Kol. 3:16-18; 6:15-20.

NGULUWE

Nguluwe zaaonyesha uhuza wa utengezi na kujilisha. Nguluwe ichoona itaja. Nkaishaghula kitana na kibada, vivyoho wantu wahakijiila, ati ni mazama yafileyo wenyeye, ao du yatefuighwa. Ndima za Nt. 15:20. Yes. 66:17. Mwe ivi vyoshe waagela mili yawe kisitama, kangi iitangwa "Vikilo ja Mulungu." Mwe kutafuna gana na kuputa, na kugela ugolo mwe mpula, kuputa sigala. Mbuli izo zoshe zaagela kisitama, na shumu mwe mpome zawe, kangi zaagwiza wantu mwe misimo mibada ya uhuza. Satani aagwila na kushunga wantu wangi mwe tamaa ya kuputa sigala.

Kushima du kwa nguvu ya Mulungu ike waghoshi hata wayeye waaushinghwa mwe unu upuna wa misimo mibada. Waghundu hata wabwanga wa malika; waona kuti soo uhuza kutengela mpombe. Miya kila mtengezi nkeapale Uzumbe wa Mulungu. Mpombe soo nkande, kushima du ni utengezi wa kifa chiya chekoma, chelete-la muntu sungu na kuhitula mitongonyezeze. Wanywezi wa mpombe na wakilanga na weghoshola udashi, hata kukomana. Ati nkawanywele nkawadaha kughoshola ivyoho nkawana kuwo. Shimo 20:1. Mwe milaghilizo ya Mose kila mwena ng'wana mpapala kangi mtengezi, uyo ng'wana vyaamwagiza atoighwe mawe, afe. 5 Mose 21:19-21. Waghoshozi wa mpombe, wohe ni watakubana sa waja wenywa ao wetagha. Kwa kuti Mbulingwa ya Mulungu yaghamba: We ukiwa ni waja wekihima kunywa vyetengeza vyena nguvu, waghoshi we nguvu wakivivanganya. Yes. 5:22. Mwe ukiwa ni yuja mwemunka ng'wiyae mhundo ywakwe vyetengeza, ukigela shumu yako, na kumtengeza. Habakuki 2:15. Msheufighwe; watesi na wavika mizimu, na wegona na waghoshi weyae wawe na wawivi, na wena luzisho, na watengezi, na wampoko, nkezewaingile mwe uzumbe wa Mulungu. 1 Kol. 6:9-10.

Lushe mighoshwele ya king'wili iibunkuke kuti ni: Uteshi, usaba, ubada, uvika mizimu, ushai, unkulu, nku-mbizi, wizu. maya, ushoghanyi, kuzinkana, kuhitulahitula mbuli **Utengezi, Kuilisha**, na mbuli zefanana na izo. Waja wezighoshola nkezewapale Uzumbe wa Mulungu. Galt. 5:19-21. Kangi mushetengele mpombe hambu yaa-

ghenyeza uhuza, miya gisai mpehongwa. Efe. 5:18. Yesu nee shoko ya ugima nee mweinka waja wena nkilu unu mulaliko: Mwena nkilu neaize kwangu, anywe bule du mazi ya nkalamo. Yohana 7:37-38. Hayai kila mwena nkilu, soi aha mtoi, hata ashinaye mali, soi ghu wai muje soi ghu wai mele na mvinyo, kishi mali. Nini muwilavya mali zenyu mwe vintu vishinavyo nkande, na makuwo yenyu mwe vintu vishiighushavyo? Yes. 55:1-2.

KOBE

Sa viyaho zama ijo jivyohita mpalahole, nee uhuza wa uvizu, ushai na kuchesha kulivyo. Mvizu aakina mwe mighezo ya mbali nyingi. A akundisha kubawa kuzinka kughoshola ndima. Hatuhu mighoshweele iyo yaamwighala muntu hata mwe kukoma. Uvizu wa moyo waadaha-mfingiza muntu ashevike na kufyoma Biblia, hata kulemeza muntu ashedae kuhita vikiloi. Hatuhu waatifingiza tishedose mbulingwa ya Mulungu, umo nkalamo yetu ilimo. Uzuzu ni ng'wivi mwetihoka saa zetu za ndima, u tiighala kwe kubana. Mulungu aholongela na iwe kuti; lelo umunke moyo wako, Satani nee ahoiziila haho aho kwa ntutu akikuti: Anaafiza mpaka keloi, ao mushi mtuhu, kangi nee ndiwo ushebule. Minga utaafiza mushi kwa mushi, vuli kwa vuli, ukizamaka kifa chizakubulila kamkang'we, nee utafa kishi Mulungu, na kishi uvunizi, kangi kishi Kilisito. Nee vyeleka Zumbe Mulungu akighamba: Lelo mukiiva kanwa chakwe, mushetogheshe myoyo yenyu. Waebleo 3:7-8.

Jiya kanda ja Kobe jaakunda kughuighwa ni waghanga kangi na kangi, kangwe waghoshole ughanga wawe na ushai, wantu wautozeshe, hantu ha kumutozesha Mulungu mwe moyo, ati ni mishi ya kuhuma ao ya ntogho, wantu waatozesha vinyua na mazindo na mawe na maveya, ao vintu ani vituhu mghanga avyogimbika. Vyaatiagiza kumtozesha Mulungu kiumbe kangi Mkombozi. Mulungu azalaghiliza wana Israeli kuti: Ushemuleke mvele mshai akalame. 2 Mose 18:10-12. Mushebashe wena mpepo, ao du washai mushewatongele; kangwe washemigele kisitama, Imi ni Zumbe Mulungu ywenyu. 3 Mose 19:31. Muntu mwebasha wena mpepo na washai, akitenda kilanga nawo, cheni changu chiimuolele uyo muntu uyo, nenimutanye na wantu wakwe.

King'azei, ghalukai wang'azi, kwa kuti imi ni Zumbe Mulungu ywenyu. 3 Mose 20:6,7. Yesu Kilisito ike nee mwehoza myoyo na mili, hambu nee mwetiushiliza masa yetu na kutihonya manyonge yetu yoshe. Zumo 103:1-3. Ati kwenyu kuna mwehuna, neaitange waghohokezi wa Bumbangwa (soo mghanga) wamhembeleezeeze, kangi wamshishe mavuta mwe zina ja Zumbe! Wakimhembeleezeeza na kutozesha, vitazamunka yuja mtamu ugima, kangi Zumbe atazamuinula. Hata ati ana uhuza, ataushili-zighwa. Votekelanai mbuli mubanilezo! Kangi hembeleezeezanyai, kangwe mhone! Yakobo 5:14-16.

Ukifyoma kitabu ichi kidodo, Mulungu alonga na iwe akikughambila kuvoteka uhuza wako, na kuinkila ugima wako woshe na kwa Mulungu, miya mpeho za kobe zekunong'oneza mwe moyo wako kuti: Nkahana ntutu ya kukilavya lelo, hata keloi waadaha kughoshola ivyoho, hata ni juma ntuhu, hata ati ni vuli vyaatama, anauzanya na mulumeo bosu, muuze mkaziyo ao isho, bosu anaghuwa vikibinda ushenge wana. Lushe hantu ha ku-mwitika Mulungu avyolonga, uitika kanwa cha uazaghani wa Satani. Mwekughoshweela ivyoho, atoghesha moyo wako utoghe sa kilama cha kobe.

SHUI

Zama ijo ni kali kabisa kangi jina luzwi lwa kuitila mpome. Jifanana na maya, na nkulu na ukali, vivyoho nee vilivyo mwe moyo wa muntu. Kila muntu mweloningweelwa ni nkulu za moyo, na maya vyaadaha kumghesasa mpaka aghoshole mbuli mbada, kulana na kukanka hata kukoma. Kangi na kangi muntu akinywa mpombe, anywa mpeho za Satani, nkezeadahe kukilemeza kughoshola viwiwi. Waogha wangi wafanyanya kuti wanywe, kangwe waghahuke wantu wakali waghoshole vibada na kuzinka kihimo cha mbuli. Mpombe ni shumu ya nyoka, shumu mbada ya nyoka miya. 5 Mose 32:33. Muntu ashinaye kihimo, ivyo vyaatamila moyo wekunda uhuza, kushima du Mulungu aakunda tighoshole mbuli za kihimo. Yesu aghamba: akitiushiliza uhuza wetu neshwi tiushilize weshu uhuza.

NYOKA

Kale kiumbo icho nee chii kitana kabisa, chizawahufya Adamu na Eva mwe mghunda wa Edeni kangwe wabane mwivano wawe na Mulungu. Satani azaona wizu aki-ona Mulungu avyowakundisha, yuja Mghoshi na myelele waja wa bosu. Vikibinda azatenda wizu akiona kuti wazamkwa ufung'wa wa kutoza ukulu wa shi. Kwa mbuli ya wizu Satani azalighanya ndivyo abane mwangilano uwo mtana gatigati ya Mulungu na muntu, azavota. Wizu uwo waakuaza kabisa, umo mwe moyo wako na mwe kukula kwako, vikibinda nee wekindiza nyemi zako iyo mishi wantu wahoonela nyemi, kangi wakiikala vyedi. Hata Wakilisito wemtumikila Mulungu, vyaawatala kukighoja vyedi kwa mbuli ya izo mpeho za wizu wa Satani, vihokaoneka kuti Mulungu aaghosholo ndima na kumng'aza mesho ng'wiyao kukuzinka. Wizu waadagela mwe moyo wako ntongonyezi nyingi mbada za ubada, kangwe ulonghe weyao na kubana nyemi zawe, hata kuwakoma awo uwona wizu nawo. Wizu kwa mghoshi na muke, waadaha kubana unyumba wawe na ugima wawe woshe.

KIMPAMPI

Aka kadudu keghenda na kuinukila kangi kena mitambaile yehemba, kafanana na muntu mwena uhuza wa ubughe, na kukundisha mali, yeghangwa nkolo ya ubada woshe. 1 Timoteo 6:10. Kunu kwetu Shambalai na mwe shi ntuhu, kuna ivi vidudu vyeja mani ao du mahungo mpaka vitumbuke kwa mbuli ya kuja, nee vitafa. Muntu mwena mumelo nkakunda kuinkila mali yakwe kwa wakiwa.

Atalonda kila sila yoyoshe, ya kweli ao ya ulongo, ndivyo aunganyanye mali za kiinushi ndizo zibanike na kujighwa ni nkanga na visaga, hata kubaighwa ni wawivi. Ne vyeleka Yesu ng'wenye akititi: Tiike mali yetu mwe Lwingu kushinako wawivi kangi nkawabawa uko, hambu mali yako iliho nee moyo wako uliho. Mateyo 6:19-21. Akani na chengo chakwe wazakong'wa kwa mbuli ya kukundisha zahabu na feza na shuke zena ki-

ma kikulu, azaghuwa viya vilanighwevyo. Yoshua 7. Yuda Isikaliyota mhina ywa Yesu, azafa kwa mbuli ya kukundisha mali kumzinka Yesu. Mateyo 27:3-5.

SATANI

Uyo ni ishe ja walongo woshe na waja wehenya. Uyo nee mwelisha ziya nyama zoshe kangi nee mfung'wa ywa moyo. Yesu aghamba: Inywi mu wa ishe ywenyu Satani, na luzisho lwa ishe ywenyu nee muwokunda kughoshola. Ng'wenye ni mkoma wantu kuandiila aho kivoko, kangi hata kweli nkaimo mwakwe. Akilonga ulongo, alonga vyakwe ng'wenye, kwa kuti ng'wenye ni mumambeza, ishe ja mambeza. Yohana 8:44.

NTONDWE

Ntondwe ifanana na kikundile cha moyo wa kila muntu. Aha kikundile ni kizize, chizakandanywa ni uhuza, na kuzweela vibada, mpaka chishedahe kughoshola ndima yakwe vitana. 1 Tim. 4:2.

ZISHO

Zisho ja Mulungu jiona hoshehoshe hata viya vye mwe moyo. Nkuna mbuli yekifisha he cheni cha Mulungu. Kwa ivyoho Mulungu aataila kangi aona ntongonyezi zoshe ze mwe njama na kikundile cha moyo. Ukighoshola mbuli zako mbada na kilo mwe lwiza, hata ni mzitui, ao du hantu hohoshe, Mulungu aona.

MLAU

Mlau afanana na mbulingwa ya Mulungu. Mulungu aalonga na mhuza aufighweye, aamghambila avoteke, akundize langaila ja Mulungu jiingile mwe moyo wakwe. Mulungu aalonga hata na iwe mwe kufyoma kitabu ichi.

SUWA

Ni deghe tana kabisa jishughighwejo vitana soo jelumiza. Ni fanyanyi ya Mpeho Mng'azi, yuja mwebunkula uhuza, na kweli na mlaho. Mwe icho chapa Mpeho Mng'azi, a se ya moyo. Nkadaha kuikala hantu hena uhuza. Nyimi ndodo za moto.

Nee zezunguluka moyo wa muntu mhuza, zifanana na lukundisho lwa Mulungu luvyozunguluka moyo wa muntu mhuza. Mulungu nkatamilwa ni kufa kwa mhuza, miya mhuza auye mwe sila zakwe avoteke. Kutagwa nyemi mwe Lwingu kwa mbuli ya mhuza mung'we mwe-

hitula ntongonyezi zakwe. Mulungu aakunda kuchunta moyo na mpome ya ng'wanae ike, ni Yesu Kilisito. Izo nyimi zifanana na mpome ya Yesu. Lukundisho lwa Mulungu lukunda kuingila mwe moyo wehola, ufilewo.

Yesu aigholoke he luvi lwa moyo akigong'onda. Ukimzughwila ataingila, kangi neauchunte moyo wako aukombole, ughaluke ng'wanavyale.

Chapa ichi chionyesha muntu mweandiila kuvoteka na kumlonda Mulungu. Mlau aitozize shime, ni mbulingwa ya Mulungu ye moyo yena nguvu, yekola viya ni shime yeshenga nyazu zoshe, yaingilisha shuti itanye moyo na mpeho, uzumo na mavuha yabunkula fanyanyi na ntongonyezi za moyo. Waebuleyo 4:12.

CHAPA CHA MBILI

Mbulingwa ya Mulungu yaamfukiza uyu muntu kuti: Upokezi wa uhuza ni kufa, kangi muntu azaikwa afe kamkang'we, kushilikiza akalahwe. Waebuleyo 9:27. Fungu ja yuja ashiyetoza, nejiikale mwe ziwa ja moto jeaka na kibiliti.

Mwe mkono mtuhu yuja Mlau aitozize kighobela cha mutwi, ni mavuha makazu ya mutwi. Mbuli iyo imfukiza mhuza kuti: Toshe ishwi vyaatitala kufa. Taakundisha kabisa mili yetu, taakunda kuigholokela na shuke na nkande, na kuhembuliza luzisho lwakwe. Ng'wili neufe, kangi neuvunde. Mazongolo neyaje unu ng'wili aho ndiho moyo ulawile mazu ya kitingwa cha Mulungu. Muntu mhuz-a aandiila lushe kuiva mbulingwa ya Mulungu yeshunda, azughula lushe moyo wakwe na kwe lukundisho lwa Mulungu. Mpeho mng'azi aandiila kung'aza moyo wena lwiza. Langaila ja Mulungu javoka kuingila na kulangaza jikiingata lwiza lwoshe. Langaila jiliho lwiza lwoshe lutauka na kunyilika. Lukundisho lutana lwa Mulungu, lwaandiila kuinula moyo welota. Uhuza uja ndiwo ukifanana na mazama ya mbali nyingi uzaghuluka.

Iwe muntu mhuza, mhokele Yesu uyu mweitangwa langaila ja inu shi aingile mwe moyo wako, kangwe lwiza hang'we na mighoshweele yakwe ilawe mwe moyo. sa viyaho uvyoona ichi chapa. Yesu aghamba: Imi ni langaila ja inu shi, mwenitongela nkeaange mwe lwiza Yohana 8:12. We ukiwa ni waja wekundisha lwiza kuzi-

nka langaila. Yesu akiingila mwe vikilongwa kuja Yelusalemu azaingata woshe ndiwo wakitaghizanya ng'ombe na ngoto na visuwamanga. Azakupula feza za



CHAPA CHA MBILI

waja wevunka akighamba: Nyumba yangu iitangwa ya vikila, miya inywi muzaighalusha mpanga ya wampoko.

Mateyo 21:12-13. Nyumba ni moyo wako. Yesu nkaizile kangwe aushe uhuza wako du, miya aizile akukombole na kukughalusha ng'wanavyale, ulawe, mwe uhuza na ufung'wa wakwe. Ng'wanangwa akimikombola nee muzakombolwa kweli. Yohane 8:36.

CHAPA CHA NTATU

Aha taaona moyo wa muntu mwena uhuza avotekeye kweli. Akiiva na kuona ukulu na kuzwama kwa uhuza wakwe ungi, ulekilewo Yesu akilumizighwahe msalaba.

Moyo wa uyo mwena uhuza uzabondeka akiolela msalaba, mlaungwa, na mbulingwa ya Mulungu wavyo-mfumbwila. Lukundisho lwa Mulungu luonekelewo mwe Kilisito Yesu waagela moyo wakwe ukiwa, kuisiliza akifukila kuti: Yesu Kilisito, Ng'wangoto ywa Mulungu aizile kwamuushiliza uhuza wakwe ungi, azaitikila kufa he msalaba kwa mbuli yakwe. Mbuli nkulu muno kuti; Yesu azatowiighwa vibonko, mwe milundi kuna misumali, azabadikwa bundu ja miwa, kwa mbuli ya uhuza wetu, inu ni mbuli yebonda moyo wa muntu mwena mzigho wa uhuza muntu mwevoteka.

Ahoiviila mbulingwa ya Mulungu na kuifyoma, aki-ona ng'wenye mwe kilolo cha Mulungu, na kutaila moyo wakwe ulivyo kuti u mwe lwiza lwa uhuza. Ivyo vyaa-oka moyo wakwe, na mpeho zeonyesha sungu za kuvoteka zamuleka alile kwa mbuli ya uhuza wakwe, nee Mulungu avyombulila hehi. Lukundisho lwa Mulungu, na utondolo wakwe vyaaingila mwe moyo wakwe, ung'azighwewo na mpome ya Kilisito. Lushe muntu mwena uhuza aandiila kutaila kuti: Zumbe a hehi na washe webondeka myoyo; wena mpeho zibondekezo, aawavunila. Zum. 34:18. Aawahonya waja webondeka myoyo, na kukanta vilonda vyawe. Zumo 147:3. Kangi mbulingwa ya Mulungu yaghamba: Uyu muntu nee ndiye nimuolele, muntu mwena mpeho zibondekezo, mwedidima akiiva mbuli yangu. Yesaya 66:2.

Mpeho mng'azi, na lukundisho lwa Mulungu vyaa-toza uzumbe mwe moyo ung'azighwewo. Ndiho aolele msalaba na kutozesha, akiolela mpome ya Yesu iitikeyo kangwe uhuza wetu uushighwe, muntu uyo ataandiila kutaila kuti, uhuza wakwe azauushilizighwa. Lushe aona nguvu mwe moyo wakwe, kuti, mpome ya Yesu ng'-

wanangwa ywa Mulungu izamng'aza uhuza woshe. 1
Yohana 1:7. Mwetozesha nkezeaaaghe, miya atatenda



CHAPA CHA NTATU

nkalamo ya kale na kale (Fyoma 1 Kol. 6:10-11). Mwa
Yesu tina ukombozi mwe mpome yakwe, na kuushilizi-

ghwa uhuza, sa ungi wa mbazi zakwe. Waefeso 1:7. Lushe ana mpeho mpya mwe moyo wakwe kuandiila aho nkatamilwa ni inu shi, ao du vintu vye mwe inu shi, kushima du alonda viya vya lwingu vya Mulungu yuja mwemumemeza moyo wakwe lukundisho. Ziya nyama, uja uhuza wakwe ni se ya moyo, hata Satani ng'wenye akishekunda kuhita, akehituka akiolela na nyuma aone hakingila. Ne vyeleka tikighangwa: Tigone mesho na kuvika, na kumwikila nkani uyu Satani, ne ndivyo atinyilike.

CHAPA CHA NE

Chapa icho chifanana na Mkilisto aeneye mpolele kabisa, na uvunizi mwe kulavya ntogolo kwa Zumbe ywetu na Mkombozi ywetu Yesu Kilisito. Kwa ivyoho nkaona kintu kituhu chemtamila, kushima msalaba wa Yesu Kilisito du, kuti mwe unu msalaba inu shi izanikomelwa nawo. Wagl. 6:14. Aatailisha kuti: Yesu azafa mwe muti, ishwi ndiwo tiifile kwa mbuli ya uhuza, tighaluke we moyo kwa mbuli ya utanda. 1 Petelo 2:24. Mkilisito inu shi azaikomelwa. Tizalaghilizwa kuti; tiange kimpeho, tishetongele tamaa za ng'wili. Wagalatia 5:13-25. Kangi taghangwa: Tikihime kulonda ung'azi, hambu nkahana ndiye amwone Mulungu akishetenda. Wabuleyo 12:14.

Mwe moyo wa muntu mwe ichi chapa, waadahaona shiki, nee haja Yesu ashungiilweho na mpingu aibindile kuushinghwa shuke zakwe. Waadahaona mikowa ija wamutowileyo nayo viwiwi, hambu mlaho utitazilewo ishwi, uzamutala yuja. Yesaya 53:11-12. Azatowighwa kwa mbuli ya masa yetu. Zumbe Helode na wantu wakwe wazamfyulila, wakibinda kumtowa Yesu na mikowa wazamzwicka guni jelungulika. Wazaluka bundu ja miwa wazajibadika mwe mutwi wakwe, kangi hantu ha kumbadika bundu ja zahabu. Wazamunka lasi mwemkono wakwe wa kulume, hantu ha kumunka ngoda ya kizumbe. Wazamgintila mazwi mazu yakwe na kumfyulila wakighamba: Mpongezi Zumbe ywa Wayuda. Viki-binda wazamshweela mate, wazaghuwa jiya lasi, wazamtowa najo mwe mutwi. Wakibinda kumfyulila wazamghua kangwe akong'we. Kuna wantu wangi weitangwa na zina ja KiKilisito, kangi waingila vikiloi kwavika

Mulungu. Mateyo 7:21-27. Waadaha kuuona mfuko wa feza kwa Yesu mwe ichi chapa. Yuda Isikaliyota yuja amwinkileye Yesu, azamtagha na vipande vya feza milongo mitatu, kwa kuti kukundisha mali kuzamtuntusha mesho, kangi kuzataha moyo wakwe mngonge. Taa na mazolo, na vintu vituhu, nee vighosholevyo ndima na waja wasilikali wakitowa lusolo kwa mbuli ya shuke zakwe, kangwe mbulingwa ibontoke iteghanyweyo kuti: Wazapangilana shuke zangu, guni jangu wazajitowela lusolo. Zumo 22:18.

Wasilikali wazamshoma he lubazu, na he moyo, nee kuholawa mpome na mazi. Yohana 19:33-37. Sogholo ishinati kukema nee Petelo ahomtowa hulu he mesho ya yuja mbwanga. Vi zeze? Wamulaviliza Yesu mwe mighoshweele na mbuli aho? Hambu waogoha kughoshola ivyoho? Angwe ni Yesu, kila ndiye anitowe hulu kwa wantu, nami nitazamtowa hulu kwa Tate ywangu mweikala mwe Lwingu. Mateyo 10:32-33. Vituhu Yesu aghamba: Kila muntu mwekunda kunitongela, akilemeze ng'wenye ainule kila mushi msalaba wakwe, anitongele. Mateyo 16:24. Muntu ashiyeinula msalaba wakwe na kunitongela, nkaniagiza.


Kungu jangu ja kale, ne nikifishe kwako
Mazi na ija mpome ilawileyo muja
yaning' aza uhuza, na kuninka uvoti.

CHAPA CHA SHANO

Aha tionyeshighwa kung'azwa kwa muntu mhuza avunilweye na kughenyeza utondolo na mbazi. Azaghaluka lushe vikilo ja kweli ja Mulungu, ikailo ja Mulungu Tate, na Ng'wana, na Mpeho Mng'azi, sa Zumbe Yesu alongilevyo: Muntu akinikundisha ataikala na kutoza mbuli yangu, Tate yohe atamkundisha, titaiza tiikale naye. Yohana 14:23. Mwe uyu Yesu Kilisito, Mulungu aadamshimila muntu, na kumng'aza mesho, na kumkuza moyo. Luka 1:52.

Lushe moyo uzaghaluka vikilo ja Mulungu mwe moyo, Uhuza uzabinda kuushighwa. Hantu ha yaja mazama yetozeezighwa ufung'wa ni Satani, ishe ja mambeza, taamuona Mpeho Mng'azi nee amoikala. Hantu ha kughoshola mighoshweele mibada ya king'wili, moyo uzaghaluka

viya ni lubuwa lwena ulozo, ao sa muti wevyala matunda. Wavyala matunda ya Kimpeho, sa lukundisho, nyemi, utondolo, kukipunguza, uzizimizi, utana, ukoolezi na vi-



CHAPA CHA SHANO

tuhu na vituhu vyemtamila Mulungu na wantu. Yuja muntu ng'wenye unu moyo azaghaluka tamba ja kweli, jevyala matunda mwe mzabibu wa kweli, ni Yesu Kili-

sito Zumbé ywetu. Inu nee njama ya kuvyala matunda, kwa kuti muntu mweikala mwa Kilisito, na Kilisito yohé aikala mwakwe. Yohana 15:1-10. Kangi mwe moyo wakwe muikala mbuli ya Mulungu. Aimemezighwe ubatizi wa Mpeho Mng'azi, ana nguvu za kuvota ng'wili na tamaa zakwe. Kwa nguvu ya Mpeho Mng'azi, ana nguvu za kuvota ng'wili na tamaa zakwe. Kwa nguvu ya Mpeho Mng'azi aadaha kuanga kimpeho. Nkaikala mwe viya avyoona ng'wenye, ao du avyoiva, miya aikala na mtozesho. Kwa kuti mtozesho we mwe Yesu Kilisito, ne wévota inu shi. Aaikala mwe kialilo, kangi aagelwa nguvu ya kialilo cha kuiza kwa Zumbé ywetu Yesu Kilisito. Aaikala mwe lukundisho lwa Mulungu lwa kale na kale.

We nyemi ni waja wena myoyo yeng'ala, hambu watazamwona Mulungu. Mateyo 5:8. Zumbé Dawidi ha a nee ai mzuli, azawavota wankulu wakwe, azamkoma Goliati na watuhu, miya kushima du nee akilonda mbuli ng'wenga nkulu. Azalilisha kwa moyo akighamba: Zumbé, nitegha moyo weng'ala, uninke mpeho mpya yena kweli. Zumo 51:10. Nkahana muntu mwédaha kuki ng'az-a moyo wakwe, au du kutegha mpeho mpya. Vyaa mtala kila muntu ambashe Mulungu na kukipunguza, akileka uhuza wakwe, sa Zumbé Dawidi aghosholevyo. Vyaamutala aghaluke sa yuja ng'wana aaghileye, aashizeye nguluwe akiuya na kwa ishe akimuti: Tate nizabana kwa Mulungu na kwako. Mulungu aikilighanye kumhokela kila mhuza mweiza kwakwe na moyo wekipunguza. Mulungu aghamba: Nami nitakunika moyo muhya, nigele mpeho zangu umo ndai mwako, neniushé uja moyo wa kimawe mwe ng'wili wako, nenigele mpeho yangu umo ndai mwako, kangwe uange na milomo yangu. Icho Kilagha Kihya Mulungu aghosholecho, azachigela muhuli kwa mbuli ya mpome ya ng'wanae Yesu Kilisito. Mwe ichi chapa taaona Mlau akilawa vituhu. Mlau aawabilikila waja ndiwo wapale nkalamo ya kale na kale. Kangi aalughusha waja wemwogoha Zumbé. Zumo 34:7; 91:11; Daniel 6:22; Mateyo 2:13,19; 18:10. Ndimba za Ntung'wa 5:19; 12:7,10. Satani yohe waamuona hwa ichi chapa aigholoke hehi na moyo, alonda hantu hena mhengo wa kuingiila, kangwe auye na hantu hakwe ha kale. Kwa ivyoho taghangwa: Ghalukai wantu wena kihi-


mo na kugona mesho, kwa kuti munkulu ywenyu Satani aafanana sa shimba yeluluma alonde ndiye amumeze. 1 Petelo 5:8. Mwikilei Satani nkani, nee ndivyo aminyilike. Yakobo 4:7.

CHAPA CHA MTANDATU

Ichi ni chapa chegwiza ukiwa cha muntu mweuya na nyuma. Zisho jakwe ing'we jizaandiila kufa. Vyaaonyesha kuti azaandiila kuhola, na kutozingwha ni usisiza mwe miikaile yakwe ya Kikilisito. Zisho tuhu jiolela na shoni jimaghaza hoshe-hoshe sa mwekunda kuhembuliza inu shi. Langaila jeikala umo mwe moyo jizazima. Nkanda kulumizighwa vingi hang'we na Kilisito. Lushe a gatigati ya mighezo yeonyesha kuti azaandiila kuku-nda; kuzinka kumwikila Satani nkani. Aamwiva Satani kuzinka kumwiva Mulungu. Hata akionighwa kuti ake-iza mwe miunganano ya bumba, aagheza kufisha luku-ndisho lwa inu shi lwe umo mwe moyo wakwe, lushe aza-lawa kwa Mulungu, kangi azaaza lukundisho lwakwe lwa boshi kwa Mulungu. Ntondwe ye mwe moyo wakwe, nee kuja kukunda kwa moyo, izazima, msalaba wohe uza-mghalukila mzigho wezwama. Mtozesho uzaandiila ku-leghela. Azakusaleka kabisa kumvika Mulungu. Ni m-vizu mwe moyo wakwe, azamunka Satani mhenyo.

Mpeho za jiya deghe jeitangwa Tausi ziyalonda ha kuingiila. Yuja muntu mweuya na nyuma azaandiila kutenda mahiku, azajala kuti avunilwa kwa mbazi du. Utengezi wohe waagong'onda mwe moyo wakwe ukilonda haingiila. Minga ng'wiyae amgheza anywe mpombe. Amuti: Soo mbuli, nywa hadodo du, miya nkaiva kuti: Kunywa mpombe hadodo vifanana viya ni kazuto ka-dodo, kehita mpaka kaghaluke zuto ja utengezi. Hatuhu mvyele aawaghoshweela ng'wenye na wambuyae ija mpo-mbe, miya aalonga kuti: Imi sinywa mpombe miya aalo-ngwela weyae wanywe, vikibinda aaazaghanvighwa ni m-peho za utengezi na kilanga, na kutamilwa ni kuangilana na wambuyae wabada, wahite hantu hena ubada. Minga mtuhu atamuti kushezigha mishezigho ya dansi sa Wa-zungu soo uhuza, kushima kushezigha sa wamzimu nee u-huza. Nkataila kuti: Hantu hoshe hena mshezigho wa ngoma, nee hehuna wantu na kwe uhuza. Watuhu angwe kuputa sigala za kwe maduka ni vibada kuzinka kuputa

gana ja kaya. Yesu nkaputile hata hadodo, hata Waki-
lisito wemtungela.



CHAPA CHA MTANDATU

Satani amuti: Soo mbuli ukighoshola uhuza kang'we du, ao kutenda kilanga kang'we du. Satani ne avyomghambila, hata ziya mpeho za kilanga zaaona hai-ngiila mwe moyo ung'azighwewo nee avyoutaha vingi. U-

yu muntu mwe ichi chapa, aakitunga tuni, aafanana na waja wantu webela ukilisito na mbuli za lushongelezo. Muntu mwena moyo sa uwo nkadaha zizimiza makonda ya wantu, kuisiiza ya wambuyae. Mbuli zawe zaamwoka moyo wakwe, lushe kuandiila aho lukundisho lwa Mulungu lukihola, ng'wenye azaandiila kuogoha wantu kumzinka Mulungu. Hata kwa mbuli ya wogha na ya ntongonyezi za wantu, ye azaghaluka mtung'wa ywa wantu, nee avyouya na nyuma. Maya na nkulu vizalawila vingi mwe mishi ya kulumizighwa na sungu vizatoza ufung'wa mwe moyo wakwe. Lukanko luzagela kisitamama mwe milomo ndiyo ikimtogola Mulungu na kumvika. Lushe aho ati yuja ng'wenye leba azaona mhenyo hadodo, luvi lwa kuingiila, nee ataingila, kang'i neaissize kuing'lisha kangwe uhuza utuhu uingile.

Ni vihufu kukundiza lukundisho lwa mali kuingila mwe moyo; kushima du tiogohe milaghilizo ya Zumbe ywetu Yesu alongileyo kuti: Gonai mesho muvike, kangwe musheghezighwe. Mateyo 26:41. Mweghamba ni-gholoke aoleleshe ashekine. 1 Kol. 10:12. Kwa ivyoho vyaatitala kuzwika mata yoshe ya Kimulungu, kangwe tidaheikila nkani minyanyi ya Satani. Waefeso 6:18.

CHAPA CHA MFUNGATE

Chapa icho chionyesha moyo wa muntu ulivyo, muntu mweuya na nyuma, kwa kuti akibinda kuinkwa langaila, na kukaula viya vya Kilwingu, na kuhitulwa ku-ghaluka muntu mwena mwangilano na Mpeho Mng'azi, azakina. Kangi chaaonyesha muntu ashiyevoteka alivyo, hata ati azabilikilwa Ulau wedi, ukimfumbwila vyedi, miya lushe akitoghesha moyo wakwe, na kughoshola uhuza.

Yesu ng'wenye azalonga kwa mbuli ya muntu mweuya na nyuma akighamba: Mpepo mbada ikilawa mwe muntu. ikizinka hantu hashinaho mazi, ikilonda hemelo ikishejiona; itaghamba: Neniuye na muja mwe nyumba vangu nalawamo namo. Ikibula ikiona kuti nyumba ii-haghilwe na kuhambighwa; itahita kwaleta weyae watuhu mpepo mfungate wabada kuzinka ng'wenye. wataingila na kuikala mumo. Yuja muntu bindilizo jakwe ni bada kuzinka chandiilo. Iuka 11:24-27. Waabontokelwa ni luja lushimo lwa kweli kuti, kuli jaahitukila matahika


yakwe ng'wenye, na nguluwe ihakighweyo yaaghalaghala mwe ntaghata. 2 Petelo 2,22.

Ugondengwa waaonyesha chasale moyo wa uyo muntu. Uhuza wa minyanyi yakwe yoshe uzaingila na kuikala mwe moyo, na kutoza ufung'wa mumo. Ukimuo-
lela hata cheni chakwe chaaonyesha ubada wa moyo wa-
kwe ulivyo.

Aho Mpeho Mng'azi vizamtala kuuka mwe moyo, kwa kuti Mpeho Mng'azi na uhuza nkawadaha kuikala hang'we. Langaila na lwiza nkavina mwangilano. Unu moyo nkavidahikana kughaluka vikilo ja Mulungu; na mpanga ya Satani. Mlau ywa Zumbe, ija mbulingwa ya Mulungu, vizamtala kumulawa na ukiwa, akeolela na nyuma, akifanyanya ng'wenye mwe moyo wakwe kuti: neavoteke vingi, sa yuja ng'wana aaghileye, akihuma mwe moyo, akiikala gatigati ya nguluwe, nee akialila kuti: Neaighushe ifu jakwe na makowa ya nguluwe. Kangi nkakuna muntu amunkileye kintu chochoshe. Nee ahoona kuuya kwakwe na nyuma, kuja kuagha kwakwe, azavoteka, akighamba: Niinuke nihite kwa Tate nimghambile kuti: Tate nizabana kwako na kwa Mulungu, sia-gizighwa kuitangwa ng'wanao vingi. Kwa mbuli ya kuvoteka kwakwe kweona ukiwa kwa mbuli ya uhuza wakwe, ishe azamuushiliza, azamkomela ng'ombe na kumuza na kaya.

Kushima du mwe ulu lushimo, mpeho za kuvoteka nkazimo, zemwambiza auye na kwa Mulungu, ao du kugwa he milundi ya Yesu, ao du kumhembeleza kangwe ainkwe muushilizo wa masa na kung'azwa. Mpeho zakwe zizaokwa na moto zizafa. Mashikilo yeiva ana nayo, miya nkadaha kuiva kanwa cha Mulungu vingi. Mesho ana yeona, miya nkadaha kuona tubwi ja kuzimu kuti, nee ai hehi na kukina na mumo. Shoni nkana lushe. Satani azaiza kwatoza ufung'wa mwe moyo wakwe, na kuikala mwe kiti chakwe cha kizumbe. Minga kwa se akekitogola na kuonighwa kuti ni muntu mtana, sa mbila zigez-ilwezo lukowa, se zionighwa kuti ni ntana, miya uko ndai kuimemile mavuha ya wafilewo na vye kisitama vya uhuza. Mateyo 23:27. Ishe ja wamambeza azaghuwa hantu ha mpeho ya kweli. Kila nyama, nee kughamba kila uhuza una mpepo zakwe mbada, kangwe a-

mwambize kutoza uzumbe mwe moyo. Hata ati azaku-
ndisha kuikala sa ng'wanavyale alawe mwe waja waba-



CHAPA CHA MFUNGATE

da nkadaha, kwa kuti azabinda kughaluka mtung'wa
ywawe. Lushe azabinda kuona kindedi, viya Mulungu alo-

ngilevyo kwa ntung'wa Petelo. Muona zeze? Nkavimtala mlaho mkulu kuzinka yuja amjatileye ng'wanangwa ywa Mulungu, na kutala mpome ya ng'wanangwa ywa Mulungu kuti: Ni kintu cha bule, na kumghoshweela utili Mpeho ya Utondolo? Waebuleyo 10:29-31; 2 Petelo 2:1-14.


Mbuyangu iwe wefyoma izi mbuli, ati mwe mpeho zako uzatenda ugima we ivyoho, mkemele Mulungu na moyo wako woshe. Uyu ike nee mwedaha, kangi aakunda akukombole, na kuusha uhuza na kukung'aza kulawa mwe uhuza woshe, kangwe uize kwa yuja Mpeho ya kweli uvoteke. Aadaha lushe kumshunga yuja mbada hang'we na ntimizi zakwe, ukidaha kumtambika na se alawe mwe moyo wako, ukikunda aghoshole ivyoho.

Iza sa yuja Mkoma amwiziileye Yesu na kukema: Ukikunda wadaha kunihonya. Nee Yesu ahlonga: Naakunda uhone. Maliko 1:40-43. Miya ukiisa kutoghesha moyo wako na kukundisha kiza kuzinka langaila, kwako nkakuna kialilo ao du uambizi, kwa kuti uzashaghula kifa hantu ha kuinkwa ugima; ao lwiza hantu ha kuinkwa langaila.

CHAPA CHA MNANE

Aha taamuona muntu mhuza ndiye aina moyo wetogha, kangi auzileye na nyuma. Ng'wili wakwe uimemile kulumizighwa, hata moyo wakwe uimemile wogha wa kufa. Kifa (ni mavula yoshe ya ng'wili, ao du ishe ja mavuha) chizabula saa ashiafizayo, ao ashiukaneho naho. Mighezo ya uhuza izauka, hata upokezi ukulu wa uhuza waatala kulihwa. Milumilwe ya kuzimu yatoza moyo wakwe wena wogha. Hata akikunda kuvika, miya aona kuti nkadaha kuivana na Mulungu. Mbuli zoshe za wambuyae wa kiinushi nkazidaha kumwambiza, kwa kuti nkazina kuwo ja kumhembuliza. Kangi nkadaha kukiombola na mali zakwe aunganyanyezo kwa kukundisha mali, ao du kupunguza milumilwe yakwe, ao kuongeza ugima wakwe. Aho hata akikunda kumtongonyeza Mulungu. miya Satani nkamunka mkombaghano wowshe. Kila kintu akundishecho mwe inu shi, lushe achiolela vya ni ufyosi, kangi vilongolezi vyakwe vya ulongo; nkavidaha kumwambiza. Aandiila lushe kuiva kuti: Kuki-

na mwe mikono ya Mulungu mwe moyo kwaagwiza wo-
gha. Neakialila kuti: Neainkwe utanda he cheni cha Mu-



CHAPA CHA MNANE

lungu mishi ya utamu wa kufa, miya aona kuti azachesha.
Wantu wangi wazahakifiila nguzu kishi kuona mkomba-

ghano wa kumlonda Mulungu mishi ya utamu wa kufa. Kwa ivyoho taaghambilwa kuti: Timlonde Mulungu mishi inu akeonekela. Hantu ha kutegheleza kanwa cha uambizi wa mbulingwa ya Mulungu, uyo muntu mhuza abindileye kufa, ndiye akilemela mbazi ya lukundisho kwa Mulungu mishi ya kuikala kwakwe kunu shi, viza mtala kuiva kanwa cha mlaha masa chemghamba: Uka kwangu, iwe ulanighwewo, hita kwe moto wa kale na kale, ulighanyiizighwewo Satani na ntung'wa zakwe. Matayo 25:41. Muntu aalighanyiizighwe kufa kang'we du, akibinda kufa ni kulahwa. Waebuleyo 9:27.

CHAPA CHA KENDA

Aha taaona chapa cha Mkilisito ywa kweli mwezizimiza na kuvota mighezo mikali ya ng'wili na ya Satani. Aaghezwa kila lwazu miya aitoghile mpaka ha shilikiza. Aaongoza kabisa uvoti mwe Yesu Kilisito, nkaandile nkondo ya Ukilisito du, miya abontoleza hata kuomana kohe, akimwolela Yesu du, aandileye na kubontoleza mtozesho wetu. Waebuleyo 12:1,2.

Satani na ntung'wa zakwe waazungulukila moyo weto zesha, aagheza kulonda haingiila, miya ni bule. Mahiku na kukundisha mali, na moyo wena kilanga vyaagong'onda. Hantu ha fulata na shui taaona "kuli na mpunda" kwa kuti hangi muno uhuza waakihitula mwe shula ntu-hu, ao kukiinka zina tuhu. Miya Mkilisito mwegona mesho na kuvika, aona uhuza uvyoiza mwe kila sila, hata ukimwiziila mwe sila ya zina ja dini, ao sa Mlau ywa langaila. Kwa kuti mbulingwa ya Mulungu na mpeho ya kweli ye mwe moyo wakwe yaaghesa mwe kweli yoshe, hata kumuambiza ataile na kubunkula uhuza na utana. Hang'we na mazama na mpepo mbada, waadahaona muntu akivina he mesho yawe, aitozize bilauli ya mpombe mwe mkono wakwe. Aamugheza Mkilisito na mighezo ya kiinushi, ao du kwa utengezi, na kuvina, miya uhuza uwo nkaudaha kumvota Mkilisito abindileye kukombolwa na kuleka uhuza na mighezo ya inu shi. Akiona mbuli mbada sa izo zaamulumiza kwa Mulungu. Muntu mtuhu aamtunga na katuni. Ivi vyoshe vyamuoka moyo wakwe; lukanko, na lusingo, na ufyosi, na vyeitisha vikimwiziila vikilawa kwa awo washiwotozesha na weita-

Uhuza na ng'wili weitangwa kuti; nee uwo ng'wenye, na ng'wenye leba, waakihima kabisa kugheza kupanga Wakilisito mwe lukundisho lwa Mulungu. Miya kwa kushogoha aadaha kughamba: Ndivyo vitiahule na lukundisho lwa Mulungu ni mbwai? Ukiwa, ntogho, sungu, sala, kushukizwa, nkondo, shime? Miya mwe ivi vyoshe taaisa kuvota kwa mbuli ya yuja mwetikundisha. Waloma 8:35-39. Mwe kuzwika mata yoshe ya Kimulungu, aadahagholoka mishi ya kulumizighwa kwa nguvu ya Mpeho Mng'azi aavota ng'wili na mighezo yoshe. Nkutaila kuti ati Kilisito aikala mwe moyo wakwe, ana nguvu kumzinka ng'wenye leba na ntimizi zakwe, kwa kuti yuja mwe umo ndai mwetu ana nguvu nyingi za yuja zumbe ywa inu shi, "Satani". Yesu Kilisito azamvota Satani, na uhuza, na kifa kwa mbuli yakwe hata ishwi azatighalusha wavoti, kangi taadahavota na kuinkwa linga ja utana.

Ntondwe ya uhuza wakwe izalawila chasale na kung'aza. Moyo wakwe uimemile mtozesho, na Mpeho Mng'azi. Walau wa Mulungu waikala ulanga yakwe, wamfukiza misuhi yena kuwo ilavighweyo kwa mbuli ya wavoti na kuzizimiza mpaka bindilizo. Mfumbulo 2:7, 11,17,26; 3:5,12,21.

Mfuko wa feza we ng'wazi waaonyesha kuti soo 'moyo wakwe du, miya feza zakwe, na vyoshe avyonanavyo, vizaikwa sa tulo ja Mulungu. Hantu ha kubanabana mali zakwe bule na upokezi wakwe akizija mwe mbuli mbada, ataambiza wakiwa, na kumlaviliza Mulungu fungu ja kumi ja mali zakwe zoshe sa ng'ombe ivyomunka baba yakwe mele, muntu uyo aamulaviliza Mulungu vintu vyakwe na moyo. Mzigho wa migate, na sanaki vyaonyesha kuti: Aikala miikaile mitana yena kihimo. Nkanywa mpombe kuti nee nkande zakwe, hata kukigela kisitama cha kuja mpome ao nyama ifileyo ng'wenye, ao kuputa sigala, aafukila kuti ng'wili wakwe wangaikala vitana mishi yoshe, sa vikilo ja Mulungu jilivyo. Moyo wakwe uzaghaluka nyumba ya kuvikila, kangi na kukizweeza kuhita kwe miunganano ya Bumba. Aatamilwa ni miviko ati ni ya Kapele, ao du ya nyumbai mwakwe. Kwa ukoolezi aaunganyanya chengo chakwe kila mushi wakivika, kwa kuti aataila kuti: Kishi kuvika Mkilisito

nkaikala ugima, neafanane sa samaki ishiyodaha kuka-
lama kishi mazi, kitabu chikusulwecho chionyesha kuti:



CHAPA CHA KUMI

Biblia, mbulingwa ya Mulungu, ni kitabu chizughulwe-
cho kwakwe, **kuti achifyoma na kuchitongonyeza** na ku-
kihima. Biblia ni taa ya milundi yakwe kila mushi, ka-

ngi ni mazi yakwe yekomela nkilu yakwe. Kangi na kangi aahaka mumo mwe mbulingwa ya Mulungu, kangi aaghosholo nayo ndima ighaluke kilolo cha moyo amokionela shula yakwe. Aakundisha kuinula msalaba, nee uja wemfukiza kuti: Ye ng'wenye azalumizighwa hang'we na Kilisiao, kangi azafufuka mwe ugima uhya, kwa ivyoho aalonda viya vya ulanga, ziya mbuli za kale na kale, zishizoonighwa. Aikiteghile kuonana na Mulungu, kangi aafanana na muti uhandighwewo he muto wevyala matunda yakwe hakwe hakibula, kangi aafanana na tamba ja muzabibu ja kweli, jevyala matunda mangi. Lukundisho lwa Mulungu lumemilelo, luimemile mwe moyo wakwe, kwa inu mbuli nkaogha kifa. Zum. 1:1-3; Yohana 15:1-14; 1 Yohana 4:18-21.

Yesu aghamba: Imi ni ufufuki na nkalamo, mwenitozesha imi, neakalame hata akifa, kangi kila mwenitozesha, nkezeafe kale na kale. Yohana 11:25,26. Mweiva mbuli yangu, na kumtozesha yuja anitumileye, nee mwena nkalamo ya kale na kale, nkaingila mwe mlaho, miya mwe kifa azamlawa na kuingila mwe nkalamo. Yohana 5:24. Kifa nkachigwiza wogha, ao du mlaho kwa Mkilisito, kwa kuti kifa chiimezighwe chiivotighwe. Lushe iwe kifa kuvota kwako ku kuhi? Iwe kuzimu luvula lwako lu kuhi? Miya Mulungu atogolwe mweleka tikivota kwa mbuli ya Zumbe ywetu Yesu Kilisito. 1 Wakolinto 15:54-57.

Muntu mweikala na Mulungu nkaogha kifa. Mishi yakulawa mwe inu shi ikibula, ahita na nyemi kwe nyumba ya kale na kale. Ntung'wa Paulo aghamba: Naa-kundisha kuhita, kangwe nikaikale na Kilisito, hambu ivi nee vitana kabisa, Wafilipi 1:23. Mkilisito avyokundisha ni kumwona Yesu, amufiileye he msalaba, kangi amukomboleye na mpome yakwe ng'wenye. Mpeho Mng'azi aamfukiza mbulingwa ya Yesu akighamba: Musheje sungeni mwe moyo yenyu, mutozeshei Mulungu, kangi imi nami nitozeshai. Mwe nyumba ya Tate muna uikazi ungi. Neniize vingi nimighuwe na kwangu, kangwe niliho imi, hata inywi muhaikale. Yohana 14:1-4. Zisho jashaonavyo, shikilo ja muntu jashaivavyo, moyo wa muntu washadahavyofanyanya, nee Mulungu alighanyiizevyo waja wemkundisha. 1. Wakolinto 2:9. Mwe inu ngulu ngima nkamuna kilosi chetama kuonyesha na ku-

fumbula utana wedahaonyesha uja we kuja kwe lwingu, haikilweho wavoti wevota umu mwe inu shi, kangi wemtozesha Yesu Kilisito.

Mwe icho shapa sha kumi, taafukizighwa muntu mwemtozesha Yesu'avyohita. Hantu ha ishe ja kifa, haikala mlau ywa Mulungu nee mweonighwa. Aaafiza amuuziize moyo utazilwewo utanda. Ng'wili, hata moyo viza-zughulwa vikilawa mwe unu ng'wili, vizaighalwa na kwa yuja amkundisheye. Aaafizighwa ahokelwe na nyemi kuja kwa Mulungu. Zumbe neamughambe: Iwe mupuna mtana mkoolezi, ingila na kwe nyemi ya baba yako. Matayo 25:21. Satani nkana nguvu lushe kwakwe vituhu, kwa kuti vina kuwo kulu he mesho ya Zumbe kufa kwa wang'azi wakwe. Zumo 116:15. Nizaiva kanwa chikilawa mwe lwingu angwe: Gonda: We nyemi ni wafilewo hang'we na Zumbe kuandiila ivi lushe: Kweli, nee avyolonga Mpehongwa, wazahemela sungu zawe; hambu mighoshweele yawe yaatongelana nawo. Mfumbulo 14:13.

Iwe ng'wiyangu wefyoma ichi kitabu, Mulungu akuambize umunke Yesu moyo wako, hambu nee avyolonga: Ng'wanangu ninka moyo wako. Usheshungule moyo wako mnyanyi ukikuaza na kutongela tamaa za ubada, hambu mwekialila ng'wenye na moyo wakwe ni mdashi. Leka uhuza wako toza vye utanda, hambu upokezi wa uhuza ni kufa, miya mbazi Mulungu azotifiila mwe Kilisito Yesu Zumbe ywetu ni ugima wa kale na kale.

Na iwe umunkilewo ugima wako woshe, toza ulu lwitangilo lwa mbulingwa yena ugima, mwe kutozesha na lukundisho lwe mwe Kilisito Yesu, kwa kuti waamutaila yuja uyemtozesha, na kutaila kuti: Aadahagholokela vya aikilevyo sa guha kwakwe mpaka uja mushi. Kizengei mwe mtozesho wenyu mng'azi vikai mwe mpeho mng'azi, kioleleshei mwe lukundisho lwa Mulungu, mukimwolela Yesu, avokileye kangi mwebontoleza mtozesho wenyu, kangi ndiye auye nguzu, Zumbe ywa wazumbe.

Yuja mwedaha kumigholokela inywi mushekungwale, na kumigholoshwa haja he kiti chakwe cha utana wakwe, kishi masa mwe ija nyemi nkulu, yuja Mulungu mwe ike, Mkombozi ywetu mwe Yesu Kilisito Zumbe ywetu, Utana ana nawo, ukulu na nguvu, ni zakwe kale na kale, Amini. Yuda 24,25.

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique financee de dons

Missao de literatura Evangelica financiada por donativos

(Reg. No. 1961/001798/08)